

Zeitschrift: Schwyzerlüt : Zyttschrift für üsi schwyzerische Mundarte
Band: 20 (1958)
Heft: 1

Artikel: Wie en Eerschtgix schriibe und läse läärnt
Autor: [s.n.]
DOI: <https://doi.org/10.5169/seals-187302>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 13.03.2026

ETH-Bibliothek Zürich, E-Periodica, <https://www.e-periodica.ch>

Wie en Eerschtgix schriibe und läse läärnt


Es spiled mit:	En Schüeler	S Läsebuech
	De Greffel	S Bleistift
	D Tafle	De Fäderehalter
	De Schwamm	S Heft

De Schüeler treit sin Tornischter. De Greffel, s Bleistift und de Fäderehalter send us lange Kartonröhre gmacht und mit farbigem Papiir überzoge. Au d Tafle, s Läsebuech und s Heft send us Karton. Uf d Tafle hät me Schiferpapiir gchläbet und rooti Linie droff gmacht; uf di eint Site hät me n öppis gschrebe (förs zweit Bild); s Läsebuech und s Heft send e chli chlinner, au farbig überzoge n und grooß aagschrebe. Denn bruuchts no en Schwamm.

1. Bild

Schüeler, Greffel, Tafle, Schwamm, Läsebuech

- Greffel: Wa springscht eso, du chline Maa?*
- Schüeler: Weischt nöd, för mü goht d Schuel hüt aa?*
- Greffel: Woll, äbe ha n i ghöört devoo,
drom wemmer jetz grad mit der choo.
Lueg no, doo chomed grad no meh
so Gspaane! Tafle, chomm dohee!*
- Tafle: So, guete Tag, i bi zur Zit!
Gott grüezi, Büebli, i chomm mit,
begleit i d Schuel dü jetz all Taag
und hälft der au, sovil i maag,
daß d schriibe läärnscht mit guetem Muet.
I hoff, i gfall der au rächt guet!
Min schwarze Rock ischt frisch poliert;
vom Schiferbroch hät me mi gfüert
hee zur Fabrik — und wa gets doo?
Vil Linie ha n i überchoo,
en Rahme hät me n om mi gmacht,
und gleenze tue n i, s ischt e Pracht!
Gäll, bitti, Büebli, tue mer s z Gfalle
und loß mi joo nöd öppe falle!
Soß gets en Sprung, und i gang hee,
denn häscht kei schöni Tafle meh!*
- Greffel: Zum Schriibe bi n i grad so wichtig,
doch, Büebli, heb mi denn o richtig!
Soß chönnts e böösi Musik gee,
die tuet eim i de n Ohre weh!!
Und trock nöd z fescht — da wäär e Schand! —
i brech nöd gärn grad abenand!*



- Schüeler:* *Nei, nei, i will der scho Soorg haa,
du gfallscht mer guet, du Greffelman!! !
Häscht so e farbig, nätts Papiir;
i glob, i schriibe gärn mit deer!*
- Greffel:* *So isch es rächt, und gescht dr Müe,
so lärnscht du schriibe, weischt nöd wie;
bald häscht du ali Zahle loos
und s A B C au, s chlii und s groß.*
- Schwamm:* *Und wens am Aafang nöd guet goht,
so helf dr gärn us diner Noot;
stond d A und d O uuglich und chromm,
so daß me meint, si falled omm,
und häts gär Fähler s ischt en Gruus,
so wüsch i flink der ales uus,
und d Tafle n ischt denn wider läär;
streng di no aa, s ischt nöd so schwäär!
E zweits Mool grootets sicher guet,
mach di as Wärk mit frischem Muet!*
- Schüeler:* *Du guete Schwamm, wie bi n i froh,
daß du mer wotscht go helffe choo!
Gäärn mach de Wääg i jetz mit eu;
gend mini guete Frönd, ehr drei!*
- Läsebuech:* *Do choont denn no e Hoptpersoo,
die taarsch nöd uf dr Site loo!
Mit meer lärnscht läse, s ischt e Freud,
wie d Buechstabe send zsemmegeiht
zu Wort, zu Sätz, zu ganze Gschichtli,
zu Liedli, Spröchli und Gedichtli.
S hät jedes sicher Freud do draa
und au en Stolz, wens läse cha!*

*Häscht au dehei noch Gschichtli gfrooget
und mengmool dini Mueter plooget,
si söll der läse n und verzele,
wil d gäärn häscht öppis hööre wele.
Jetzt chascht denn sälber buechstabiere
und Gschichte läse und studiere
vo Blueme, Tier und Chind, paß uuf!
E wüiti, neu! Wält goht uuf!*

*Schüeler: Juhui, doo ha n i aber Freud!
Zu all dem bi n i scho bereit.
Chomm, du guets Buech, i ha di gäärn,
und mach, daß i bald läse läärn!*

*Tafle: So wend mer vier jetz mit der goh
und s nöd a Iifer fähle loo,
daß d ales läärnscht i chorzer Zit,
bringscht du au guete Wille mit.*

*Greffel: Und fällt der s Rüebigsetze schwäär
und teenkscht, wie schöö s vorosse wäär,
denn streng di no e bitzli aa!
— Wie fein isch, wemme n öppis cha! —
Und geb der Müe, bishcht jo bald frei,
und denn chascht loschtig wider hei.*

S ganz Spiil — es hät no e lengers zweits Bild — ischt abtrockt i dr «Schwizerische
Lehrerinnezitig» vom 20. April 1937.

S Bömmli

*Im Sonneschii am Bächli,
doo stoht en chline Bomm,
treit luuter goldni Blättli;
es ischt em wie im Tromm.*

*De Herbstwind choont go bloose
und schöttlet s Bömmli, ach!
Uf d Äärde falled d Blättli
und zwirbled bis in Bach.*

*Si fahred, goldni Schiffli,
wüt fort — wär weiß wohee?
Is Blau streckt s Bömmli d Äschtli,
hät fascht kei Blättli meh.*